

Serbski institut Sorbisches Institut

Medijowa powěć

Lichota kiwa! Serby a mjeńšynowe pšašanje pó 1918

Drogujuca wustajeńca Serbskego instituta jo se pśedstajiła – Pó premjerje w Serbskem muzeju mógu interesěrowane institucije wustajeńcu ku se skazaś

Budyšin, 20.4.2021


Nowa drogujuca wustajeńca Serbskego instituta z titelom „Lichota kiwa! Serby a mjeńšynowe pšašanje pó 1918“ jo w Serbskem muzeju natwarjona a bužo móc se ned woglědaś, gaž muzej žurja zasej wótcynijo. Wědomnostniki su za nju we jadnab 40 archiwach rešeršerowali, wót Washingtona D.C. až do Pragi. Z bogatego fundusa su wjeliku licbu wšakich dotychměst mało znatych dokumentow a wobrazow za prezentaciju wuzwólili, mjazy drugim z Budyšyńskego zwězka archiwow, ze Serbskego muzeja a ze Serbskego kulturnego archiwa. Prezentěruju se teke lětaki, fotografije, karikatury a politiske plakaty.

„Lichota kiwa! – jo rozlěgało na zachopjeńku lěta 1919 w serbskej Łužycy. Pó 1. swětowej wójnje, za tym ako stary pórěd w Nimskej a Europje jo do kopice padnuł, jo se zdało, až Serby budu móc wóttyměst sami swój pšichod twariś. Tencas su se stajili pšašanja za kulturneju awtonomiju, za wurownanim zajmow mjazy Serbami a Nimcami kaž teke za dorozměšim psez statne granice – pšašanja, kótarež nas až do źinsajšnego dnja gibju a kótarež deje se zasej a zasej wótnowotki stajaś“, groni dr. Friedrich Pollack, wjednik wótzělenja za kulturne wědomnosći pši Serbskem instituće.

Wustajeńca bužo w Serbskem muzeju w Budyšinje až do 28. maja. Pótom wudaju se tofle na drogowanje psez Łužycu, Saksku a Bramborsku, a slědkoju teke psez Česku a Pólsku.

Wustajeńcu stej wužěłatej dr. Jana Piňosová a dr. Friedrich Pollack, historikarja pši Serbskem instituće, gromaže z agenturu za historiju *Culture and more* z Barlinja. Producérowała jo ju agentura *Hinz & Kunst* z Brunšwika.

Te 15 tofle wustajeńce su wšykne we dwěma rěcoma wugótowane (na górnoserbski a nimski). Je dopołniju dolnoserbske, česke, pólske a engelske pšewódniki.



Projekt jo se spěchował wót Ministarstwa za wědomnosć, slěženje a kulturu kraja Bramborska, Kněžařstwo sakskego statu, Nimsko-česki fonds pšichoda a wót Založby za serbski lud, kótaraž dóstawa lětnje pódpěru z dankowych srědkow na zakłaže góspodařskich planow, wobzamknjonych wót Zwězkego sejma, Bramborskego krajnego sejma a Sakskego krajnego sejma.

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnoserbske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de



**Serbski Sorbisches
institut Institut**

Foto natwarjoneje wustajeńce, lětaki a plakat pšipósćelu Wam rad.

Madlen Domašcyna

referentka za wědomnostnu komunikaciju a zjawne žěło

tel. +49 3591 4972-54 (mobilnje pód 0176 63119148)

madlen.domascyna@serbski-institut.de

Serbski institut jo zwenkauniwersitarne slěženišćo w Budyšinje z wótnožku w Chóšebuzu. Wón se zaběra z interdisciplinarnym pšeslěžowanim rěcy, stawiznow a kultury Serbow w Górnej a Dolnej Łužicy a z pširownujucym pšeslěžowanim małych rěcow a kulturow w Europje. K institutoju słušatej Serbska centralna biblioteka a Serbski kulturny archiw ako jadnučkej zjawnej specialnej zběrce serbskich a sorabistiskich bibliotekowych a archiwnych wobstatkow.
www.serbski-institut.de